


日本漢文學百家集

148

王焱 編



北京燕山出版社

王焱 主編

日本漢文學百家集
148



北京燕山出版社

第一四八册

霞洲詩集 一卷 土肥元成著	一
東裏先生遺文 一卷 別錄 中根東里著 明和八年	三一
華陽先生文集 十卷 遺稿 二卷 山根華陽著 明和六年	一三五

古劍

良工精鍊後百辟出阿泉
秋水淬鋒銳寒霜凝刃堅
鐵英爭日月金氣犯坤乾
望影遙疑雪拂花還似蓮
蛇分從赤帝虎吼在蒼天
星彩匣中動火精輿上鮮
衛身非敵一治國更當千
長鋏悲窮士短衣懷老仙
風塵疥癩沒泥土錕鍔湮未
值孔竈識龍

光仍宛然

題畫山水

層巒真若峙野水抱村流
烟霧常垂晚風雲長感秋
幽禽呼小浦疎樹繞滄洲
疑是武陵路人間不可求

二月十一日奉賀白石先生五十

絳帳迎春淑景融
瑞烟籠日曉光紅
樞衣

已立三年雪負爰新來二月風晉代賜書
皇甫謐漢家議禮叔孫通群賢共獻南山
頌能使大名齊華嵩

天爵堂前五十春逢尊好是長生民東方
振古推君子南極祇今壽老人常侍
講筵為上客時斟旨酒樂嘉賓孔門此日
元知命不覓仙桃與棗椿

初見芳辰出五雲鬱鬱佳氣日氤氳漢年
迎老商山古周代降神嵩嶽分學比董生
~~明~~我道名齊韓子興斯文遙期教養恩長
在共秉清忠奉

聖君

邊城四時怨

春

二月強寒雪色遐胡兒元自不知花盧龍
塞下數行淚愁對春風日已斜

夏

白草原頭風更涼黃花戍外日空長家書

近共歸鴻斷猶着貂裘望故鄉

秋

昨夜金風透鐵衣城中白羽接烽飛日看

鴻雁南翔去，但使征人更憶歸。

冬

關山渺渺朔風寒，白草霜飛血始乾。
萬里黃沙吹不斷，却將月色望長安。

春曉

青山曙色晴芳樹，有鶯鳴日出烟霞斷。
露華落檻明。

春夜裁縫

紅女驚看柳色黃
春衣猶未贈遼陽
踈燈挑盡勞纖手
明月照來裁練裳
把線欲添愁緒結
停針不語怨情長
縫成遙寄關山北
當使征夫憶故鄉

新月如殘月

新月與殘月光華
下掾同玉鈎分上下丹

桂隔初終已見送，
耕台猶疑待曉風。
應生今夜魄，
重是照遙空。

賦松契遐年，
壽木道圓七十。

黃耆相期千歲松，
達尊何復覓秦封。
沔膏共滴仙人露，
黛色遙分五老峰。
挂月高枝巢白鶴，
拂雲長幹起蒼龍。
君今幸得長生訣，
可藥欄前堪父踪。

遊俠篇

洛陽年少客好俠最稱魁自恃放蕩性偏
憐磊落才微軀輕七尺壯膽包三陔腰挂
芙蓉劍手拈鸚鵡杯市恩任氣湧買醉嫌
心灰英傑交如漆王侯視若埃呼盧在燕
市挾彈向章臺堂上千金奉門前駟馬來
解紛能盡力排難不論財劉孟名終盛荆

卿意更哀報秦綠擊筑救趙欲揮鉞豪氣
逐何已乾坤一笑開

和晨起即事

衡茅催景色台嶠曉鐘鳴雲隙殘星暗林
梢初日明詩成連白壁興到脫華纓禽攬
幽人夢那知池草生

龍池春草

春滿龍池鵲曙光金堤十里草蒼蒼柔香
含露雨餘遠燠色連雲烟外長開宴綠茵
承鳳輦奏絃翠帶接霓裳瑞蕈將與靈芝
產偏喜恩波流萬方

桃李花開日得風字

河陽滿縣見花穠
巧笑不言香暖風
曉月影殘新裂素
夕霞色散暗蒸紅
先知玉母

本難老肯學少君能變童不為夏陰與秋
實更歡酒興日無窮

賦春羈得秋字

書劍多年倦宦游
逐花還度楚江頭
鴻雁三春誰寄信
雲霞萬里獨催愁
壯心為客難消日
衰鬢思鄉不待秋
匹馬天邊時盡目
餘輝藹藹滿芳洲

五月菊

獨尋端午節籬菊發
狂香借得黃金色
磨成白玉光愛還三夏
日嚴避九秋霜相見
北窓下超然壓衆芳

晚霽

雨過收暑景山外夕陽微
萬澗泉聲急千巖鳥影稀
積陰開竹院空翠傍松扉
應是

滄溟上蛟龍噴浪歸。

賦象棊

周王從始制千載耀兵威
進退收金鼓交攻隱旄旂
縱橫俱運策來往各隨機
健馬能排陣輕車屢潰圍
長江持楫誓落日援戈揮
勝敗一枰上功名孰是非

池館納涼